

264901 III

217.

S. VII.

P. 1.

Blat. 1918

K 1949 nr 48

264901 -

III Mag. St. Dr.

Kat. Komp.

Bibl. Jag.

CLASSES
Votivis Applausibus
ONERARIÆ,
Ad Petram

DIVINISSIMI TUTELARIS,
Magnifici, Perillustri, & Reverendissimi Domini,

D. M. PETRI
PRACZLEWIC,

S. Th. DOCTORIS & PROFESSORIS,
Ecclesiar. Cathedralis Cracov. CANONICI,
Collegiatæ SS Omnium & Prosovic. PRÆ-
POSITI, DECANI Pilecensis, Collegij Majo-
ris PATRISSENIORIS, Contubernij
Hierosolymitani PROVISORIS,

Studij Almæ Universitatis Cracoviensis
PROCANCELLARI, necnon ejusdem

Generalis & Vigilantissimi

RECTORIS.

Recurrente Divinissimi Patroni ejus die
Annuis Gratulationum Etesijs

APPULSÆ.

Anno, quo Navis Vteri Virginalis Cœlestem nobis portavit Panem. 1711.

CRACOVIAE,

Typis Francisci Cezary, S. R. M. Illustrissimi & Reverendissimi Dñi Episcopi Crac
Ducis Severiæ; necnon Scholarum Novoduorsian; Ordinarij Typographi.

Nr. INW.

A 827



Bibl. Jag.



GRATVLATIO I.

Per Excellentissimum Dominum M. FRANCISCVM HIERONYMV M PLVCINSKI, Philosophiae Doctorem, Dialectica in Classibus Professore, Contubernij Sisiniani Seniore.

Nomine tam suo, quàm aliorum Professorum,

Collegij, Novoduorsciani.

D I C T A.

Illustri & Nobilissimae Iuventuti Sarmatico-Academicae gratulatur & Attentionem & Benevolentiam Captans.

Non tam Piscatoriâ Divinissimi Tui Tutelâris Cymbâ, quàm potius exiguo gratulatoriâ dictionis nostrae phascellô, Pallas Nostra Novoduorsciana, ad Tuas Rectorales mecum properat plantas. Magnifice, Perillustris, & Reverendissime Domine RECTOR, Domine, Patrone Colendissime. Laxatis Paternae gratiae Tuae retibus, adeo Minervam nostram Novoduorscianam ad Te pertrahis; ut illa depositâ ægide, splendentiq; casside, tota se Tuis prosternat plantis, in Te Principem suum veneratura. Princeps es, non tantum quod Principali Regis Apostolorum gaudeas Patrociniô, sed quod Princeps literariae nostrae Republicae appelleris. Gaudent Rectorales Cracij nostri Academi fascies, quod ab eo regantur Nomine, cui Claves Regni Cœlorum sunt collatae. Sub PETRO Religio Orthodoxa in totum dimanavit Orbem; sub Te itidem PETRO in Regno Sapientiae, omnium literarum Studia, felicissima capiunt incrementa. Et quidni capiant? cum Tu centoculo vigilantior Argô, in id omnes curas, eruditos labores, sollicitudines continuas vertisti, ut bono publico semper sis emolumento. Vnde quod suo debent Capiti, cetera viventis corporis membra, id nos literarij Cives Regni, Tibi Vigilantissimo debemus RECTORI, à quo, & animamur,

264901

&

III br.



& armamur. Vive ergò longævus & fortunatus, magnisque Honoribus accumulatus, Vive in Orthodoxæ Ecclesiæ decus, literarum Academicarum præsidium, Clientum Tuorum subsidium. Hoc dum Tibi Novoduorſcianum Professorum mecum vovet optatq; Collegium, etiam hæc Illustris & Nobilissima Juventus, spes certa Patriæ, in Tui Nominis gratulationem & Venerationem cum Votivis applausibus assurrectura, benevolas Tuas aures per me submisce expostulat. Dixi.

GRATVLATIO II.

Nomine Scholæ Dialecticæ.

EXpers rationis videretur esse Rationalis scientia Dialectica, si ad Tuas Rectorales plantas, sole hodierno mecum, & debitum cursum, & gratulatorium discursum non promoveret. *Magnifice Domine RECTOR Domine Mæcenæ noster Observandissime.* Nudè Dialectica, quamvis semper loquatur, hodie tamen quodam Verecundiæ rubore, Vnà mecum tegitur. Caret quippe tantâ fandi copiâ, quanta ad enarrandas Tuas Virtutes, ad edifferenda gesta, semper cum plausu maximo gesta, postulatur. Non capit breve Logicum Argumentum, amplitudinem Sapientiæ magnorumq; Tuorum meritorum, quæ totus Lechicus videt Orbis, facit Ecclesiæ intuetur Senatus, Respublica literaria miratur, & Cælum nonnisi, ipsum, poterit debite coronare. Lingo itaq; tua præclare facta edifferenda, facundis Tulliis, facundis Enniis vel Maronibus, ipse ut & hic Dialecticus, hoc est brevis in sermone meo gratulatorio videar, cum annuam Divinissimi Tui Tutelaris diem, tam nomine meo, quam nomine Januæ Scientiarum Dialecticæ Tibi gratulor, hæc aureis referantibus arcana cordis Sancti Tui Patroni Clavibus de pectoris mei æratio depromo.

*Virg. l. 1.
Æneid.*

*In freta dum fluvij current, dum montibus Umbræ
Lustrabunt convexa; Polus dum sydera pascet,
Semper bonos nomenq; tuum laudesq; perennent.*

DIXIT.

*Illustris & Generosus Dñus JOSEPHUS de Otfinow
OTFINOWSKI, Capitaneides Szercoviensis, &c.*

GRATVLATIO III.

Nomine Scholæ Rhetoricæ.

Felicissimis Tuis sub Auspicijs RECTOR *Magnifice Per-
illustis & Reverendissime Domine Macenas noster Obser-
vandissime*, Classis Tyrocinantis Eloquentiæ nostræ, à por-
tu, cum nuper soluisset, ad Te Clarissimam Petram, suum
primo voto applicat navigium. Equidem non aliud sum-
mum bonæ spei Caput, desuper monstratum, non aliam
primam ex fortunatis Insulam advertit, quàm Te altissimo
literarij Regiminis honore, supereminentem, omnes Petram;
super qua dextera Supremi rerum Conditoris, domum Sa-
pientiæ, septem sublimibus altam columnis ædificavit.
Tu nobis Petra Scientiam quærentibus, portus, ac promon-
torium felix, in cujus celso vertice Doctorum Laurus, Cælo
viciniùs surgût, cui vel ipse Vavellus acclinis, tergeminum
coronarum decus submittit, in quo Sol Theologorum ful-
gentissimus, arcens umbras adversas, in totum, radiatam
lucem spargit, Septentrionis Orbem; in quo Musæ cum
Appolline locum, munimen, dulce decus & præsidium
ambiunt. Jmæ Tuæ basi allidi Classis nostra, pro profun-
do Venerationis cultu, & gratulatorij plausûs sono pu-
blico, proram puppimque animorum infigere, summæ
propensionis studio, primam felicitatis partem censeat, &
gaudet effundi in publicæ acclamationis Celestina Voti-
vum, ut bene fundata, quia super Ecclesiarum Principe
Petra; Tui Nominis Magni ac Honoris Celsitudo verè A-
cademica Petra magnitudine gloriæ in Supera alta assurgat;
& Coronarum Ternione sacro; Caput radiatû, inter sydera
condat: ita ut simillima renidenti Polo, lumine Divûm,
perpetuò circumfundatur, Nosq; suæ lucis Purpurâ serena-
re, rueri, fovere, dignetur. Ita precatus est voce, ore, spiri-
tu totius ancillantis Novodvorscianæ Eloquentiæ.

*Illustris ac Generosus Dñus CASIMIRUS de Niegolew
NIEGOLEWSKI, Vexilliferides Wschowiensis.*

ODE IV.

Nomine Musarum Scholæ Poëseos decantata.

CArdo Polorum vertitur annuus:
Lucina festi clara revolvitur,

Et

Et Lux dierum fausta trahit
 Omina, perpetuosq; plausus.
 Gaudent Camæna, votaq; conferunt,
 Vestri Patroni Festa Celebria
 Canendo, vernantes Corymbos
 Suppeditant pedibus Tuismet.
 Virtutis Almæ prodroma gaudia
 Omnes trahunt nos ad Tua pectora,
 Dum Claviger nobis Patronus,
 Intima nunc reseat profundi.
 Insigne Regum Sceptra manus Tuæ,
 Gestent ut illæ, justius ambiunt;
 Vadellus hinc ternas Coronas,
 Dignius imposuisse gaudet.
 Et nostra quid ni? Turba studentium:
 Quid ni? sacrorum culmina montium:
 Sternant ad Imum, celsiora
 Nunc Juga Pieridesq; ferta.
 Duc fauste RECTOR secla per Aurea,
 Vitam perennem Laudibus inchoam:
 Optant Camænarum Cohortes
 Terq; quater geminando, Vive.

Cecinit

Illustris ac Generosus Dñus FRANCISCUS SLASKI,
 Pocillatorides Mielnicensis &c.

EPIGRAMMA VOTIVVM. V.

PETRE Tibi solidam votis optare salutem
 Convenit, hancq; velint consolidare Poli.
 Nomine fers Petram, si vis? adamantæ vovemus
 Consurgat meritis, ex adamante salus.
 Nil certè est Sceptris, quæ gestas, pulchrius, ornet
 Cum Petra PETRI, fulgida Sceptra lapis.

Cecinit

Illustris ac Generosus Dñus ALEXANDER LETOWSKI,
 Thesaurarius Cracoviensis, &c.

GRATVLATIO, VI.

Nomine Scholæ Grammatices.

CVM suo quæq; Genio, plausus & gratulationē **RECTORI** expediat Scholæ, ne & nostra à proprio discedat more, repetitionem in Tui Nominis honorem Grammaticè instituimus. *Magnifice Perillustri & Reverendissime Domine, RECTOR & Pater Virtutibus & meritis Amplissime.* Iteramus quippè vota, ingeminamus plausus, repetimus quid in Te Grammatici simus: nullum tamen repetitionis punctum, per quæstionem procedit: sponte affectus & non quæsitæ propensio, quid responderi debeat, eloquitur. Non inquirendum cuius partis Grammatici simus? ex nostra Tui veneratione, vel totus colligat Orbis, pertinere nos ad partem Nominis Tui ex eo constat; quod per omnes casus & rationes in Tuum honorem flexibiles simus. Omne, erga Te, in nostro pectore officiorum genus, generis omnis Grammaticum probat, sed nullius certi numeri, quia sine numero, Te Patrem amare, Tibi **RECTORI** obedire, Te Academicæ felicitatis publicum venerari Statorem **PETRV**M, debemus. Quidquid in singulari aut plurali mandaveris, universi singula, & singuli universa libenter exequimur. Hinc inferas: in quocunq; casu nos Fata posuerint, aut Tu esse volueris; semper cum honore **RECTORALI**, cohærebimus. Hodie festo Nominis Tui, in Nominativo sumus, Te **Petræ**, summū Academicæ Caput, Te Principem, Claves, supremæ in Orbe literariò potestatis tenentē, cū veneratione appellamus. Pro omni verò temporū declinatione ad Superos vocativū facimus: ut Tu **Petra**, super quam Architectonica Altissimi dextera, templum Sarmaticæ ædificat & fundat Sapientiæ, æternum inconcussa fias. Eo fine, ceteræ hic perorabant Scholæ, ego Grammaticus repetitionem **DIXI**.

*Illustris & Magnificus Dñus STANISLAUS MICHAEL
de Brzezic LANCKORŃSKI, Castellanus Radomienſis.*

GRATVLATIO VII.

UT & nos Grammatici & Grammatica plausibilis scientia per Orbem benè audiat, Tibi Intellectuali **Petræ**, **RECTORI** Sapientiæ plausus & gratulationem loquimur. *Magnifice Domine RECTOR.* Nullum enim putamus bonum Grammaticum, qui non sit Tuo Nomini Studiosus, & totam Grammaticæ facultatem unum diceremus solacismum, ni congruum Festo Tutelaris Tui in plausus expediat sermonē. Hæc ratione moti, hæc doctrinā instituti statuimus (quod jam libenter facimus) ad mentē Grammaticæ gratulatorio plausu, affectuoso pectore, profectis à corde desiderijs, benè loqui, benè scribere, & benè pronuntiare. Vivat feliciter **PETRVS**, Dij vota probate, perennet Magnificus **RECTOR**.

DIXIT. *Illustris ac Generosus Dñus JOSEPHUS STRADOMSKI,
Dapiferides Kijovienſis.*

Consona cunctorum ternis clamoribus Echo,
Hic resonat, **VIVAT** secula longa **PETRUS**.

Przedmiot:

Pracownice

Liczby poprzednie:

**Liczby porządkowe: 1, 2, 3, 4, 5, 6, 7, 8, 9, 10, 11, 12, 13, 14, 15, 16,
17, 18, 19, 20, 21, 22, 23, 24, 25, 26, 27, 28,
29, 30, 31, 32, 33, 34, 35, 36, 37, 38, 39, 40,
41, 42, 43, 44, 45, 46, 47, 48, 49, 50.**

Liczba główna:

11

Rok 19

33

L.:

400

